

(a) Mandement pour augmenter le prix de l'Or.

Le Rouffelet envoyé devers le *Chancellor* au<sup>a</sup> *Montel*, porter sceller unes Lettres du Roy passées par noz Seigneurs les Abbez & les Tresoriers, dont la teneur ensuit.

PHILIPPE  
VI.  
dit de Valois,  
à Paris, le 6.  
d'Avril 1347.  
<sup>a</sup> ou *Moncel*.

PHILIPPE par la grace de Dieu Roy de France. Aux Maistres-Generaux de nos Monnoies: Salut. Comme Nous eussions ordonné que sur le fait & cours de nos Monnoies d'Or à la<sup>b</sup> *Chayere*, que Nous faisons faire à present, Nous donrrons pour Marc d'Or fin en Billon, apporté à noz Monnoies, soixante douze Livres Tournois; savoir vous faisons que par deliberacion de nostre Conseil, Nous avons ordonné & ordonnons par ces Lettres, que l'en face creue de soixante Solz Tournois pour Marc d'Or fin apporté à nos Monnoies; & que l'on donne soixante quinze Livres Tournois pour ledit Marc, selon l'Ordonnance de noz Monnoies. Si vous mandons & à chascun de vous, que ladite creue de soixante Solz Tournois pour Marc d'Or fin, vous faciez faire & publier, ces Lettres veues, par-tout & où il appartiendra, si comme il est acoustumé à faire en tel cas; & gardez bien, & chacun de vous, que en ce n'ait delay ne dessault. *Donné à Paris, le 6.<sup>e</sup> jour d'Avril, l'an mil trois cens quarente-sept.*

<sup>b</sup> *Chaire.*

NOTE.

(a) Registre C. de la Cour des Monnoies de Paris, folio 13. *reverso.*

(b) Mandement pour augmenter le prix de l'Argent.

Lettres de la creue de quinze Solz Tournois pour Marc.

*Item.* Lundi 23. jour de Juillet, furent apportées unes Lettres du Roy<sup>c</sup> Ouvertes; scellées du Scel nouvel; contenant la forme qui ensuit.

PHILIPPE  
VI.  
dit de Valois,  
à Paris, le 21.  
de Juillet  
1347.  
<sup>c</sup> *Patentes.*

PHILIPPE par la grace de Dieu Roy de France. Aux Maistres-Generaux de nos Monnoies: Salut. Comme Nous eussions ordonné que sur le fait & cours de noz Monnoies que Nous faisons faire à present, Nous donrrons pour Marc d'Argent en Billon, apporté à noz Monnoies, six Livres quinze Solz Tournois; Savoir faisons que par Deliberacion de nostre Conseil, Nous avons ordonné & ordonnons par ces Lettres, que on face creue de quinze Solz Tournois, pour Marc d'Argent apporté à noz Monnoies; & que on donne sept Livres dix Solz Tournois pour ledit Marc, selon l'Ordonnance de noz Monnoies. Si vous mandons, & à chascun de vous, que ladite creue de quinze Solz Tournois pour Marc d'Argent, vous faciez faire & publier, ces Lettres veues, par-tout où il appartiendra, si comme il est acoustumé à faire en tel cas; & gardez bien & chascun de vous, que en ce n'ait delay ni dessault. *Donné à Paris, le 21.<sup>e</sup> jour de Juillet, l'an de grace mil trois cent quarente-sept, soubs le Scel de nouvel.*

NOTE.

(b) Registre C. de la Cour des Monnoies de Paris, fol.<sup>e</sup> 17. *verso.*

